

INUIT ATAQATIGIIT INATSIARTUNI



UKA2025/65

11. november 2025

Iddimanggiu Bianco

**Inuusuttut suliffissaaleqisut ikilisarnissaanut suliniarnerup
annertusarnerani qanoq ililluta politikkikkut suliffeqarfiit innuttaasunik
tapersersortarialinnik suliffissaqartitsisut siuarsarsinnaanerigut
apeqquteqaat aallavigalugu oqallinnissamik siunnersuut**

(Inatsisartunut ilaasortaq Margrethe Th rup Andersen, Demokraatit)

Oqaaseqaat.

Siullermik Margrethe Th rup Andersen Demokraatiniit qujanaq apeqquteqaat
aallaavigalugu oqallissaarininnut.

Inuiaqatigiinni suliassatta pingaarnarpaat ilagaat meeqqanut suliniutigut
pittaannerpaamik ingerlanniarnissaat. Taamaalilluta meeqqerivinniit meeqqat
atuarfiannut ingerlariaqqinnissamut pittaannerpaamik
aqutissiuussisimassalluta.

Inuit Ataqtigiiit ilinniartitaaneq inuiaqatigiiit patajaatsumik ingerlaneranni
qitiulluinnartutut isigaat. Taamaammat tassuunatigut pittaannerpaamik
suliniuteqartuarnissarput anguniartuassuarput.

Uungalu pitinnata inuusuttut suffeqaratik ingerlariaqqinngitsoortut
iliuuserisimasagut pittaannerusumik anguniagassinnissarput
pingaaruteqarluinnartoq Inuit Ataqtigiiit isumaqarluinnarpugut.

Ajoraluartumilli inuusuttut suliffeqaratik ilinniaqqileratillu inissisimanerat
ilumoorpoq iliuuseqarfigineqartariaqartut ilagaat.
Periarfissinnissaammi inissaminiilluinnarpoq.

Suliffeqarfiit innuttaasunut tapersersortarialinnut suliffissaqartitsisut
illoqarfimmut iluaqutaasut Siu Tsiu Tasiilami takutereerpaa.
Inuusuttuinnaangitsoq kisiannili tamakkiisumik suliffeqarfinnut illoqarfinnullu
sunniuttarpoq pittaasumik.

Ilaatigut illoqarfiup nammineq pilersornerulernissaanut
aqutissiuussisinnaanera takussutissartaqarpoq, suliniutit pitsaasut naqqaniit

INUIT ATAQATIGIIT INATSIARTUNI



aallartinneqarnerisigut. Naatsiiveqarneq assersuutaasinnaavoq, allarpassuillu suliat aallartissinnaasat suliffeqarfiup inuusuttullu pisinnaasai naapertorlugit.

Illoqarfimmut pittaasumik sunniuteqarnerisigut pingaarnertut inuusuttut piumassusineqqinnissanut aqcutissiuusisinnanera periarfissiivoq inuusuttunut ingerlariaqqinnissamut. Pingaarnertummi anguniagaasussaasutut isigaarput inuusuttut ingerlariaqqinnissaat, suliffeqarnikkuuppat ilinniarnikkuuppalluunniit.

Qujanarpoq tusaallugu Naalakkersuisut aallartisarniarsinnaanermi aporfiusinnaasunik piiaaniarlutik iliuuseqarsimammata. Tamanna aamma periarfissiinerunissamut aqcutissaavoq pingaarutilik. Allatigullu aningaasalersuisinnaanermik eqqarsarneq pittaasuvoq isiginiassallugu. Suliammi imaannaanngillat sunniuteqarluartulli.

Taamaammat Inuit Ataqatigiinniit qujarusuppugut taama pingaaruteqartigisumik Margrethe Th rup Andersen Demokraatiniit oqallisissiannut. Ilumoorpoq anguniagassaavoq suliniutit taamaattut amerlanerusariaqarput, nunatsinnut illoqarfinnut pittaasumik suliniutaasinnaasunut sunniuteqarluartut.